

**Wat es em Solig passiert? Et stong em Blättschen on der Soliger Morgenpost.**

**De Europäische Fachhuhschul kann bes Oktober em Ohlegs egerecht werden. 40 Studenten hant sech alt für en „Duales Studium“ agemeilt.**

Om Nöümaart hant de Friseure on Friseurinnen drop opmerksam gemackt, datt se büß en der Bredullje sind. Se wellen wiöder arbeiden on Geild verdiënen. 100 Deilnehmer woren derbeï.

**Seit 1951 hät der Eisenbarts Reinold bei der Fauna de Fäden en der Hangk gehaulen. He kriëg derfür et Bundesverdiënstkrütz am Bang. Nu es he met 94 Johren verstorwen.**

Et wor on es büß schwor, nen Impftermin te kriegen. Stondelang hant de Lütt am Telefon udder em Internet gehangen.

**Em Solig wierd völl gebout. Bes 2024 sallen 1000 nöü Wohnengen praat werden. Der Pries derfür es en den verliëden Johren stark gestiëgen.**

An der Schützenstroote wierd an der Krohenhüh wiöder de Stroote opegeriëten. Se liëgen do nöü Water- on Gasrühr en de Erden.

**De Musik van den 5 Bobcats gött et baul 40 Jahr. Nu hant sech Heidi Dreibholz, Brigitte on Heinz Siering seit 3 Johren ouch noch tuo nem Trio tesamegedonn on em verliëden Jahr etleche Optrette trotz Corona gehatt. Nu kann men van den Liedern en CD geilen.**

De Stadtwerke hant 2200 € an den Vereïn „Füreinander- Chance für Solingen“ gespendet. Dat Geild geiht an „Leselernhelfer Solingen“, die Kenger beim Lesenlieren en den Schulen hölpen.

**An der Krützung Querstroote- Merkurstroote wierd en nöü Spielplaaze gebout. Die sall den van der Pfeilstroote ersetten. Do wierd für de Fürwehr nöü gebout.**

Claudia Auer vam Pflegekengerdienst der Stadt söckt Pflegeäulern. De 162 Famillegen, die Kenger opgenohmen hant, rieken nit ut.

**72 Pennenger pro Stond verdiënden der Lothar Kissing äs Liehrjong für Sanitär, Heizung on Klimatechnik. Nu kriëg de 85 jöhrege den göülen Meisterbriëf. Sinnen Jong Andreas führt de Firma wieder.**

Der Günthers Wolfgang vum Laurel on Hardy Museum es stoult, datt he derfür gesorgt hät, datt en nöü Briëfmarke met den Tweien erutkom. Laurel on Hardy hant vür 100 Johren en ierschten Felm tesamen gemackt.

**Op Gut Hohenscheïd hät et gebrangkt. De grute Schür met völl Gereïden on Maschinnen es tem Trur gegangen. Et wor schwor, an Löschwater te kuomen. De Dier kounen se retten.**

Wer krank em Klinkum liëht, kann opörmen. He darf wiëder Besüök kriegen, wenn he länger äs 7 Daag dobliewen mott.

**Et Schullangkheim en Westerbürg es bes jertz guot durch de Coronatiet kuomen. Nu hopen se, datt de Gruppen 2021 nit affsagen mötten, söß süht et schleiht ut.**

Dös Weeke kounen sech de Kenger für et 5. Schuljohr ameilen. Se kriëgen van den nöüen Schulen Termine on muoßen nit, wie en verliëden Johren, astonn.

**En den Soliger Kliniken wierd wiëder geimpft. Se hant nöüen Impfstoff für de Metarbeïder kriëgen.**

Durch den völlen Reen de letzden Daag es de Talsperre baul voll worden. Nu können se met dem Water, wat drüöwer löppt, Strom gewinnen.

**Alexander Erkelenz es Vürsetzender vum Jugendstadttrot worden. De jongen Lütt wellen em Soliger Stadttrot metmeschen.**

David Schmidt vum BHC es van der Weiltmeisterschaft en Ägypten teröck. Met ner Medaille hät et nit geklappt, äwwer de Utsecht op de Pyramiden hät em guot gefallen.

**Ouch em Wipperkotten fehlen de Penunzen. Dat Waterrad es full on müöß eintlech repariert werden. Nu hant se nöü, besonger Metzter hergestault on wellen die online an den Mann brengen. Su sall jet Geild erekuomen.**

De Judotrainer Temming on Mähler sind vum Landesverband geihrt wuorden. Dat freut se, teglicks sind se trureg, datt ehr Studio seit etlechen Mont geschloten bliewen mott.

**Alt wiëder es en Frau, die te Fuot ongerweges wor, üöwerfahren worden. Se geng op der Weyerstroote üöwer nen Ampelüöwerweg on wuort schwor verletzt.**

**Dat wor et Nöüeste ut dem Solig van den Hangkgeschmedden.  
Tesamegestault van Brunhild Triesch. Gelesen van Judith  
Schreiber on Brunhild Triesch.**